



江蘇省地方志編纂委員會辦公室編

江蘇歷代方志全書

5



江蘇省地方志編纂委員會辦公室編



鳳凰出版社

江蘇歷代方志全書

5

蘇州府部



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

洪武蘇州府志（四）

（明）盧熊撰



第五冊目錄

洪武蘇州府志（四）

.....

〇〇一

蘇州府志卷第三十三

郡人 盧熊 輯

人物

名臣

鄭時字是翁自少苦學晝夜不釋卷中江東漕司魁選宣和六年登進士第改秩知太平州當塗縣律身清謹政尚寬厚治訟必先教化而後敲朴民皆得其歡心告滿通判建康府方待次鄉里學者多從之遊凡經指教為皆名人洎至官留守尚書黽謙之待以君子長者其所贊貳言無不從疾在告謙之懇留迄奉祠以歸終老于家官至朝奉大夫時性嗜書老而益勤自左氏史漢三國志南北史以至韓柳杜救蘇軾及名家文集悉手自編錄習官詩詞靡不徧覽邦人推重焉

章綦字質夫建州浦城人祖頌為侍御史忤章獻后旨黜
官仁宗欲用之而卒贈司徒父訪禮賓副使既徙蘇號曰
北章贈太尉綦以叔得象蔭為益州司戶叅軍將作監簿
應舉入京聞父對獄于魏棄不就試馳往直其寃還試禮部
第一擢知陳留縣以最聞歷提舉陝西常平京東轉運判
官提點湖北刑獄成都路轉運使入為考功吏部右司員
外郎元祐初直龍圖閣知慶州時朝廷戢兵戒邊吏勿妄
動且捐葭蘆安疆等四砦予夏使歸其永樂之人夏得嘗
益驕綦言夏嗜利畏威不有懲艾邊不得休息宜稍取其
土疆如古剗地之制以固吾圉然後諸路出兵擇據要害
不一再舉勢將自蹙矣遂乘便出討以致其師夏果入圍
環州綦先用間知之遣驍將折可適伏兵洪德城夏師過
之伏兵識其母梁氏旗幟鼓譟而出斬獲甚衆又預毒于

牛園豬水夏人馬飲多死台權戶部侍郎明年除知同州
紹聖初知應天府加集賢殿修撰知廣州徙江淮發運使
哲宗訪以邊事對合旨命知渭州至即上言城胡虜河據
形勢以偏夏乃以三月及熙河秦鳳環慶四路之師陽繕
理他堡壁數十所自示其怯或以案怯請曰此夏心爭之
地夏方營石門峽去我三十里能奪而有之乎案又陽謝
之陰具板築守戰之備帥四路迎擊敗之既而環慶鄜延
河東熙河皆相繼築城進拓其境夏人睨視不敢動夏主
遂奉其母合將數十萬兵圍平夏疾攻十餘日建高車臨
城填塹而進不能克一夕遁去夏統軍寇名阿理西壽監
軍妹勒都逋皆勇悍善戰案謀其弛備可遁郭成輕
騎夜襲直入其帳執之盡俘其家屬餓三千餘牛羊十萬
夏至震駭哲宗為御紫宸殿受賀累擢案樞密直學士

二



龍圖閣端明殿學士進階太中大夫。案在涇原四年，凡創州一城，砦九，存板偏碑不間，廨後至子夏降，人折可道、李忠傑、朱衍用咸受其馭。夏自平夏之敗，不能復軍，屢請命乞和，哲宗亦為之寢兵。案立邊功為西方最時，章惇用事，案與惇同宗，其得興事頗為世所疑。徽宗立，諸老從知河南人見留，拜同知樞密院事，俾其子緯為開封推官，以便養。踰年，力謝事，罷授資政殿學士。中太一宮使未幾，卒。上悼惜，賜龍墀水銀以斂，命其壻劉何使兩浙，其壻事皆特恩也。贈右銀青光祿大夫、太師、秦國公，謚莊敏。聘恤甚厚，立廟懷德軍，賜額曰忠烈墓。在杭州寶石山，七子緯、綜、綜、綜、綜、綜、綜，歷通判常州，綜知丹徒縣。綜字彥升，宣判蘇州通直郎、易州通判。案孫爰承奉郎，蓋監蘇州稅，俱列仕顯。史悞云案謚莊簡。

緯字伯成由推官為戶部員外郎提點淮南東路刑獄權知揚州兼提舉香鹽事時方鑄崇寧大錢令下市面盡閉人持錢買物至日旰皇々無肯售緯飭市易務百貨以小錢收之且徵召吏糶米以大錢予之盡十日止民心遂安未幾新鈔法行舊鈔盡廢一時商賈束手或自殺緯得訴者所持舊鈔為錢以千計者三十萬上疏言鈔法誤民請如約以示大信蔡京始罷緯降兩官以紓故竄台州復通判秀州初蔡教子極嚴恐其縱肆閉置一書室中故緯與緯皆中第甚有文名緯晚年詩法益高清淳雅健得唐人風有文集三十卷終戶部郎中

鯨字子京有大志元祐二年進士第一調洛陽簿時范純祐為尹一見待以國士宿禮尉荐僚友莫敢望輿韓王汝范切李邦直俱以文行荐于朝就除京兆府教授政和三

末起知解州移均州有房隣婦人越所部訴其子于均鯨
謝曰房非吾治也又訴于轉運使使以屬鯨召詣庭下不
以屬更鐫論開曉母子感悔再拜稱謝而去歷陝西轉運
判官人為戶部員外郎中書侍郎劉達妻鯨之姊也達漸
復元祐之政鯨多積之蔡京欲擠達且忌鯨不附已使其
黨攻之出鯨湖州論者不已差至官西京崇樞宮坐誕獄
竇溫州人為祕書省校書郎迂倉部員外郎宣和三年除
提舉兩浙常平未上改提點刑獄時秀州嘉興富人高安
與陳氏有故恐聞方臘起誣以為盜聚群惡操兵入其室
盡燬之以捕盜徽猷及長洲陸氏怙富傾閭里殺人應補
縣尉吏執平人伐已鯨一閱盡得其情取二人者寘諸法
衆懼以為神明四年以直祕閣知越州魚浙東安撫越新
去方臘之亂人情危懼日三四驚聲稱守將往往益兵自

衛繇至延問吏民宴集僚佐如平時有勇敢卒謀為變繇
飭將吏指取無一人脫者關郡大震譚稹宣柏燕山請繇
為叅謀轉朝請大夫右文殿修撰賜三品服遂疏燕雲決
不可守之狀及復救千言金人破蔚州背歸山後議稹以
錯置車方罷繇落職送吏部及童貫出師而燕山七郡與
朔武皆不守如繇言會赦恩上書告老復龍圖閣直學士
致仕卒史云京以老圖閣直學士如越州按令移志朝奉
大夫直秘閣水發遣越州壽終云復直龍圖閣
繇字君遠僉判西安州蔡京復相興制獄傾章氏誕居蘇
州或得私鑄錢數巨累風言者誣誕興州人郁寶所鑄詔
遣李孝壽張茂直沈疇蕭服更往鞠之連繫數百人累月
卒無實獄多死者京大怒別遣孫傑鞠之傳致如律誕刺
面配沙門島追貶出身以來文字除名勒傳籍入其家竄
緡合州繇少州緡温州緡睦州緡永州又處州 鈞州官

四

吏降罷除名者十餘人時論寃之孫傑擢龍圖閣直學士
知蘇州張商英為相辯前獄移誕常州綜復朝奉郎通判
秀州項之誕改授內殿崇班綜祕書郎

葉清臣字道卿從曾孫夢得父叅字少列湖州烏程人咸
平中進士兵刑二部郎中知蘇越湖三州終光祿卿謝事
居吳遂為長洲人清臣幼敏異好學善屬文天聖二年舉
進士知舉劉筠奇所對策擢第二宋進士以策擢高第自
清臣始授太常寺奉禮郎僉書蘇州觀察判官事還為光
祿寺丞集賢校理通判太平州知秀州人判三司戶部句
院改鹽鉄判官上言凡事請遣使循行天下知民疾苦察
吏能興太學選置博士許公卿大臣子弟補學生重縣令
諸科舉人取明大義責以策問省流外官無得入仕聽武
臣終三年喪罷度僧廢讀經一業訓兵練將慎出入簡條

約文多不載出知宣州累迁太常丞同修起居注判三司
鹽鉄旬院進直史館是冬京師地震上疏極言時政謂范
仲淹余靖以言事被黜天下之人嚮古不敢議朝政者行
將二年願陛下深自咎責許忠直敢言之士庶幾明威降
鑒而善應未集也數日仲淹等皆得遷徙會詔求直言清
臣復上疏言大臣專政仁宗嘉納之寶元初清臣請外為
兩浙轉運副使並太湖有民田豪右據上游水不得泄而
民莫敢訴遂請疏盤龍匯瀆清入于海人賴其利康定初
以右正言知制誥知審官院判國子監時陝西用兵并元
吳圍延州既解去鈐轄內侍盧守勲與通判計用章訟于
朝議簿中勲罪流用章領南清臣悉疏其事而守勲降湖
北兵馬都監時西師急于經費帝擢為起居舍人龍圖閣
學士權三司使公事始編前後詔敕刪去簿帳冗長者而

謹其出納焉清臣與宋庠鄭戩相善為呂夷簡所惡慶曆
初出知江寧府入為翰林學士知通進銀臺司旬當三班
院丁父憂服除以翰林侍讀學士知邠州道由京師因請
討改澶州進戶部郎中知青州徙知永興軍浚三白渠溉
田六千頃仁宗御天章閣召公卿出手詔問當世急務
清臣備對極論時政闕失其言多剴切權責會河決商湖
北道艱食復以為翰林學士權三司使皇祐元年帝御便
殿訪近臣以脩邊擇將之畧清臣上封今輔弼之臣抱忠
義之深者莫如富弼為社稷之固者莫如范仲淹諳古今
政事者莫如夏竦議論之敏者莫如鄭戩方面之才嚴重
有紀律者莫如韓琦臨大事能斷者莫如田況剛果無顧
避者莫如劉渙宏達有方畧者莫如孫沔至于帥領偏裨
貴能坐運籌策不必親當矢石者王德用素有威名范仲

淹深練軍政龐藉久絀邊任皆其選也狄青 全頗能馭
衆蔣偕沈毅有術畧張亢倜儻有胆勇劉貽孫材武剛斷
王德基純懿勁勇此可補偏裨者也又多不載時清臣以
河北乏兵食自汴漕米由河陰輸北道者七十餘萬又請
發大名庫錢以佐邊糴而安撫使賈昌朝格詔不從清臣
固爭疏其跋扈乃徙昌朝鄭州清臣為侍讀學士知河陽
卒贈左諫議大夫清臣天資爽邁遇事敢行數上書論天
下事陳九議十要五利皆當世可行者有文集一百六十
卷子均字公秉尚書司封員外郎知洪州又以集閣校理
再任熙寧中知蘄州清臣徙曾孫夢得

夢得字少溫嗜學早成多識前言往行談論娓娓不窮紹
聖四年登進士第調丹徒尉徽宗朝自婺州教授召為議
禮武選編修官用蔡京荐召對言自古帝王為治廣狹大
六

小規模各不同然必自先治其心者始今國勢有安危法
度有利害人材有邪正民情有休戚四者治之大者已若
不先治其心或誘之以貨利或陷之以聲色則所謂安危
利害邪正休戚者未嘗不顛倒易位而況求其功乎上異
其言特迂詞部郎官大觀初京在相位向所立法度已罷
者復行夢得言周官太宰以八柄詔王馭群臣所謂廢置
賞罰者王之事已太宰得以詔王而不得自專夫事不過
可不可二者而已以為可而出于陛下則前日不應廢以
為不可而不出于陛下則今日不可復若徒以大臣進退
為可否無乃陛下有未了然于中者乎上喜曰邇來士多
朋比媒進卿言獨無觀望遂除進居郎時用事者喜小有
才夢得言自古用人必先辨賢能賢謂有德能謂有才故
先王嘗使德勝才不使才勝德崇寧以來在內惟取議論